

ЎРТА ОСИЁ ХОНЛИКЛАРИДА ХАЛҚ ТАБОБАТИ ВАКИЛЛАРИНИНГ ФАОЛИЯТИ

Аллаев Мурод, Поянов Ихтиёр, Узоков Бегали,
Жовлиев Сардорбек, Алимов Жасур

Калит сўзлар. O`zbek xonliklari, tabobat, tibbiyot, shifokor-tabiblar.

Аннотация. Мазкур мақолада XVIII – XIX аср бошларида Бухоро амирлиги, Хив ава Кўқон хонликларида мавжуд тиббиётнинг аҳволи ва табиблар фаолияти ҳакида қисқача маълумотлари берилади

XVIII – XIX аср бошларида барча хонликларда асосан тиббиёт илмидан таълим берувчи мактаблар бўлган. Бундан ташқари мадрасалардаги таълим тизимиға Европа ва Россиядаги ўша даврда ривожланган фани-техника ютуқлари ҳам кириб келди. Бу даврда шоирлар орасида тиббиётга доир шеърлар битиш анъанаси ҳам мавжуд бўлган. Масалан, Хива хони Муҳаммад Раҳим II буйругига биноан, шоир ва табиб Аҳмад Табибий Хива анталогияси ҳакида шеър ёзган. Аҳмад Табибий хоннинг хос табиби бўлган. Кўқон хонлигига худди шунга ўхшаш анталогияни шоир Фазлий Наманганий ёзган. Ўзбек хонликларида XVIII – XIX асрларда тиббиётни ривожланиши ва табибларнинг фаолияти ҳааида маълумотлар камлигига қарагандা, улар унчалик қўп бўлмаган. Куйида айрим табиблар ва уларнинг фаолияти тўғрисида маълумотлар берилади.

Солиҳ ибн Муҳаммад Қандаҳорий – ўзбек хонликларидаги қўзга кўринган табиблардан бири бўлган. У Ҳиротда туғилган ва амир Шоҳмурод (1785 – 1800) даврида Бухорода табиблик билан шуғулланган. Солиҳ ибн Муҳаммад қўпроқ болалар касалликлари билан шуғулланган ва уни ишларининг асосий қисми педиатрияга бағишлиланган. Унинг асарларидан бири “Тухфат ал-шоиста” (“Арзигулик совға”) асари ҳисобланади.

Бу асар кириш ва икки бобдан иборат бўлиб, биринчи бобда бола организмининг ўзига хос хусусиятлари келтириб ўтилган. Қандаҳорий шундай деб ёзади: “бала организмни ташқи муҳит таъсирига (иссиқ, совуққа) берилувчан бўлади, шунинг учун ҳам улар шамоллаш билан тез оғрийди”. Муаллиф болалар касалликлари ҳакида ёзар экан, уларни икки гурухга ажратади. Биринчиси, бола туғилганидан бошлаб беш ёшгача бўлган даврда учрайдиган касалликлар, иккинчи гурухга эса олти ёшдан бошлаб валоғатгача бўлган даврда учрайдиган касалликлар киради.

Солиҳ ибн Муҳаммад Қандаҳорийнинг иккинчи асари “Тухфат ал-маъсумин” (“Бегуноҳларга совға”) деб номланади. Бу асар кириш, икки боб ҳамда хulosса қисмларидан иборат. Бу китобда болалар касалликларидан

ташқари, аёллар организми физиологияси ва патологияси ҳақида ҳам маълумотлар келтирилади. Кириш қисмида муаллий сув, ҳаво, турмуш тарзи, яъни гигиенани соғлиққа аҳамияти ҳақида гапириб ўтган. Биринчи бобда ҳомиладорликни физиологик ва патологик ҳолатлари ҳақида маълумот берилган. Ҳомиладор ва эмизувчи аёлларга керакли овқатланиш ҳамда яшаш шароити ҳақида ёзилган. Иккинчи бобда маълум бўлган болалар касалликлари ва уларни давоси ҳақида ёзилган. Китобнинг хулоса қисмида муаллиф болаларда заҳарли ҳашоратлар чиқишини олдини олиш ҳақида маълумот беради.

Солиҳ Қандаҳорийнинг учинчи китоби “Амал ас-солиҳин” деб номланади. Бу китобни фармакология бўйича қўлёзма деса ҳам бўлади. Унда касалликларни даволаш йўллари ёзилган. Унда алифбо кетма-кетлигига турли хилдаги дориларни тайёрлаш усуллари, микдори ва қўлланилиш тартиби ёзилган.

Ўша даврнинг машҳур табибларидан Жунайдуллоҳ Ҳозиқ, Жафар Ҳожа Ҳазораспий, Маҳмуд Яйпаний, Турсунхожа Ҳаким, Абдулла Ҳожа, Боядоғлик Ҳаким, Ҳакимча табиб, Абдулваҳоб Ибодий, Аҳмад Ҳожа табиб, Қодир табиб, Атауллоҳ табиб, Ҳожи табиб ва бошқалар фаолият олиб борган.

XVIII аср охири ва XIX аср бошларидаги машҳур табиб ва олимлардан бири Жунайдулло ибн Исломшайх Ҳозиқ ҳисобланади. У Ҳиротда туғилган ва яхши таълим олган. Тиббиёт, тарих ва шеъриятни яхши билган. XIX аср бошларida у Бухорога кўчиб келади ва табиблик қиласди. Чуқур билим ва катта малакага эга бўлганлиги сабабли Жунайдулло Ҳозиқ халқ орасида ҳурматга сазовор бўлган. Жунайдулло Ҳозиқ адабиёт билан ҳам шуғулланиб турган. У шеър ва тарихий асарлар ёзган. Ҳозиқ адабиёт билан жиддий шуғулланган, у ўз шеърларида Бухоро амири Насруллохонга бир қанча танбеҳлар берган. Бу нарса хукдорни ғазабини қўзгатган ва кейинчалик Жунайдулло Ҳозиқ Қўқонга кўчиб кетишга мажбур бўлди.

Ҳозиқнинг албатта тиббиёт ҳақидаги ишлари бўлган, аммо улардан фақатгина Умар Ҷағминийнинг “Кичик конун” деб номланган китоби ҳақида ёзган “Таҳқиқ ва қавоид” (“Текшириш ва ҳақиқатни аниқлаш”) номли асари қолган холос.

XIX асрнинг охирларидаги Хоразм табибларидан бири Жафар Ҳожа Ҳазораспий (Жафар Ҳожа ибн Насриддин Ҳожа Ҳусайн Қарвақий Ҳазораспий) ҳисобланади. Унинг асарлари шарқнинг асосий йўналиши мижоз ҳақида бўлган. Ҳазораспий касаллик ривожланганда организмни суюқ қисмида ўзгаришлар юзага келади, деб ҳисоблаган. Шу сабабли беморларга дори воситалари беришдан аввал қон чиқариш керак деб ҳисоблаган. Ҳазораспийнинг “Тиббиёт илмининг йигиндиси” номли асари машҳурdir. Унда Ҳазораспий қуйидаги касалликларнинг симптомлари ва давоси ҳақида ёзади: гелминтозлр (ришта); тери касалликлари (парша, сугал, витилиго, фурункулез), юқумли касалликлар

(қызилча, сувчечак, күк йүтәл ва бошқ.), захар ва зардоллар ҳақида айтиб ўтган. Бундан ташқари дориларни тайёрлаш ва қўллаш усуллари ҳақида маълумотлар ёзиб қолдирган.

Махмуд Яйпаний (Махмуд Ҳаким Яйпаний Қўқондий) XIX аср охири – XX аср бошларидаги ўзбек табибларидан бири ҳисобланади. У 1851 йилда Қўқондан 20 км узоқликда жойлашган Яйпан номли жойда (ҳозирги Яйпан шахри) туғилган. Унинг оиласи зиёли оилалардан бўлган. Яйпаний ёшлигидан адабиётга, тарих ва бошқа фанларни ўқишига қизиққан. У Қўқондаги “Жомий” ва “Мирзо Қўқандий” мадрасаларида таълим олган. Мадрасада Куръон карим ва шариатни ўрганишга кўп эътибор берилган. Фанлардан арифметика, геометрия ва араб тили ўргатилган. Фақат алоҳида ўқичувчилар қизиққан ўқитувчиларга бошқа фанларни (астрономия, философия, математика, география, тарих ва тиббиёт) мустақил ўрганишда ёрдам беришар эди.

Яйпаний мустақил фанларни ўрганишга ҳаракат қилди ва тез орада Аристотель, Платон, Гиппократ, Гален, Абу Бакр Розий, Ибн Сино ва бошқа олимларни асарлари билан танишиб чиқди. XIX аср охирларига келиб Европа ва Россияда илм-фан анча илгарилаб кетди, уларни ютуқлари билан танишиш мақсадида Яйпаний лотин ва рус тилини ўрганди. Яйпанийнинг ҳаёти ўша даврда пойтахт Қўқон шахрида ўтди. Қўқон ўша даврда Ўрта Осиёнинг савдо-сотик ва маданият маркази ҳисобланган. Шаҳарда жуда кўп олимлар, ёзувчилар, мусиқачилар яшаган. Уларга мисол қилиб ўзбек адабиётининг мумтоз намоёндалари сифатида Фурқат ва Муқимиини, фан арбоблари Бузрук Хожа ва Абдулваҳоб Ибодийни, табиблар Турсунхожа ҳаким, Балдабек ҳаким, Абдулло Хожа, Ҳаким ва Ҳакимча табибларни айтиш мумкин. Бундай етук табиб ва олимлар билан танишиш ҳамда ҳамсуҳбат бўлиш Яйпанийни олим ва табиб бўлиб етишишида катта рол ўйнади.

Тажрибасини ошириш мақсадида Яйпаний беморларни бепул даволар, дори тайёрлаб берар ва уларни ахволини кузатар эди. Дори тайёрлаш учун ўтларни ўрмон ва тоғлардан териб келган, ўз уйи ёнидаги ерда ҳам доривор ўсимликлар ўстирган. Дориларни таъсирини у аввал ҳайвонларда (қўй, маймун) синаб кўрган ва кейин беморларга берган. Яйпанийнинг уйида сувни тозалаш учун тўртбурчак идиш ва дорилар учун чузинчоқ идишлар бўлган. Қийин меҳнатдан сўнг, у машҳур табиб сифатида танилди. Худоёрхон Махмуд Ҳаким Яйпаний ҳақида эшитиб, уни саройда табиблик қилишга чақиради. Яйпаний хонга “Мени подшолик қизиқтирмайди, мени бошимда қашшоқлик тожи турибди” деб жавоб қиласди.

Махмуд Ҳаким Яйпаний халқни савиясини ошириш учун кўп меҳнат қилган. Тиббиёт илмини халқ орасида тарқатишга ҳаракат қилган. Махмуд Ҳаким Яйпанийнинг фалсафа, тарих ва бошқа фанлардан бир канча китоблари

мавжуд. Унинг иккита китоби машхур: “Тариқ ал-илож” (“Даволаш йўли”) ва “Қонун ал-илож” (“Даволаш қоидалари”).

“Тариқ ал-илож” 1913 йилда ёзилган бўлиб, уч қисмдан иборат. Биринчи қисмида Фаргона ва Қўқон хонлиги тарихи ҳақида маълумот берилган. Китобнинг иккинчи қисми шеър тарзида ёзилган бўлиб, унда илмдан йироқда бўлган, лекин ўзини олим ва билимдон қилиб кўрсатувчи кимсалар ҳақида салбий фикрлар баён этилган. Китобнинг учинчи қисми тиббиётга бағишланган. Унда беморларга ташхис қўйиш ва уларни даволаш ҳақида батафсил маълумот берилган. Дорилар ҳақида маълумот берилган ва китобнинг охирга сахифаларида уша даврда маълум бўлган дорилар руйхати келтирилган.

“Қонун ал-илож” номли китоби эса тўлиқ тиббиётга ва дориларга бағишланган. Яйпаний организмни суюқ жисмларига таъсир этувчи омиллар сифатида нотугри овқатланиш, оғир жисмоний меҳнат ва асабий зўриқишиларни айтиб ўтган. Яйпаний паразитар касалликлар борлигини тасдиқлаган, бундан ташқари ришта ва малярияни тирик “ҳашоротлар” чақиришини ҳам айтиб ўтган. У кичик паразитлари борлигини (гельминтлар) айтди. Яйпанийнинг касалликларни этиологияси ва патогенези ҳақидаги қарашлари, ҳозирги назарияларга жуда якин туради. Яйпаний 1930 йилда ҳаётдан қўз юмган.

Ўрта Осиёнинг тиббиёти ва соғлиқни сақлаши тизими билан ўзбек шоири Муқимий (Амин Хожа Муқимий) ҳам қизиқкан. У халқни қашшоқлиги ва касалликларни кўплиги ҳақида ёзган. Малярияни у “оғир юрак касаллиги” деб ёзган, бошқа енгилроқ касаллик – лейшманиоз ҳақида эса шундай деган: “бу касаллик эркаклар ва аёлларни юзларини чандик қиласди, бизни аҳмоқона ишларга бошлайди”. Кўриниб турибдики, Муқимий ўша даврда тарқалган касалликлар ҳақида билган.

Тиббиёт билан бухоролик олим, шоир Аҳмад Доңиш ва хоразмлик олим ва шоир Комил Хоразмий таниш бўлган. Унинг ташаббуси билан Хивада биринчи фельдшерлик амбулаторияси очилган.

Хуллас, Ўрта Осиё хонликларида XIX асрнинг охирида касалхоналар, дорихоналар ва соғлиқни сақлаш тизимининг бошқа обьектлари йўқолиб, табиблар сони камайиб кетди. Ҳар бир шаҳарда мадрасада таълим олган учтўрттадан ортиқ табиблар ишларди. Даволаш усуллари ҳам эскирки усуллар эди. Бу усуллар замонивий Европада фойдаланилиб келинган даволаш усулларидан анча орқада қолган эди. Шундай бўлса-да, бу табиблар етарли даражада эмасди. Шаҳар ва қишлоқ халқи факатгина халқ табобатидан фойдаланиган.

Фойдаланилган манба ва адабиётлар

- Рустамова Х.Е., Стожарова Н.К., Нурмаматова Қ.Ч., Абдурашидова Ш. А. Тиббиёт тарихи. – Т., 2014. – 207 б.

2. Абдуллаев А.А.История развития медицины Хорезма /Диссертация на соискание ученой степени доктора медицинских наук. – Москва, 1971. – 431 с.
3. Кадыров А.А. История медицины Узбекистана. – Тошкент: ИПО Ибн Сины, 1994. – 223 с
4. Махмудова Н. М. “История развития внутренней медицины в Узбекистане” из – во “Фан” Тошкент, 1969.